

PROBLEMATA QUÆ-  
DAM ANATOMICA,QUAM  
ANNUENTE ARCHIATRO COELESTI*In Inclyta Argentoratensium  
Universitate*

SUB MODERAMINE

JOANNIS ALBERTI SE-  
BIZII, MED. DOCT. PROFESS.ORDIN. ET h. t. ACADEMIÆ  
RECTORIS,

SOLENNITER

Respondendo tuebitur

TOBIAS JACOBUS Hainkel/  
Memmingensis,*Ad d. 20 Mens. Septembr.*

ARGENTORATI

Typis EBERHARDI WELPERI,

M. DC. LXII.



triculo, intestinis, articulis &c. tamen quia in cerebro reperitur plurimus, ob propriam nativamque cerebri frigiditatem & humiditatem: ob ipsum cerebrum, quod glutinosam habet substantiam, ob evaporationem, quam ab inferioribus partibus excipit, eamque in aquas convertit: denique ob externi aëris partiumque sibi circumdatarum frigiditatem, ideo non immerito ab Hippocrate μητρόπολις τῆ ψυχῆς, καὶ τῆ κοιλώδεος appellatur: & quidem ἀναλογικῶς. Etenim quemadmodum μητρόπολις, mater primaria est alicujus regionis, sic μεταφορικῶς etiam cerebrum metropolis humoris frigidi, & glutinosi, h. e. glutinosi & viscosi appellatur, quoniam illius, veluti mater aliqua plurimum gignit.

### III.

#### *Quodnam sit nervorum principium?*

**A**ristoteles eorum principium statuebat Cor: quod falsum esse, αὐτοψία probat. Neoterici dicunt esse Cerebrum. Alij pro principio eorum habent spinæ medullam. Sunt, qui sentiant, septem paria oriri à cerebro, reliquos omnes à spinæ medulla provenire. Nec desunt, qui persuasum habent, omnes in universum nervos à spinali medulla originem trahere. Dividunt enim hanc in duas partes: minorem ajunt esse in calva, majorem extrà eam, in vertebri spinæ. Nobis dicere placet, cùm spinæ medulla sit pars cerebri, & cerebrum quoddam oblongum, imò velut caudà cerebri, principium omnium nervorum esse cerebrum. Nam quod est origo totius spinalis medullæ id est origo illius appendicularum, h. e. nervorum. Cerebrum autem est origo spinalis medullæ totius. Ergò & illius nervorum.

### IV.



*An nervi alij sint sensifici, alij verò  
motorij tantum?*

**C**Redimus omnes nervos habere vim, ut partibus & motum, & sensum communicare possint: quia unum omnium est principium, à quo spiritum accipiunt, ipsum nimirum cerebrum: omnium eadem est structura, & compositio, quatenus ex cerebri membranosa & medullari constant substantia: una omnium temperatura: unus spiritus animalis. Quòd autem nervi non ubique motum & sensum tribuant, id non fit, quasi alij duntaxat sensum, alij motum solùm conferant, sed in causa sunt partes, in quas nervi sunt inserti. Nam si ita sint comparatæ, ut solùm sentire debeant, quales sunt membranæ, nervi illis concessi tantùm sensum conferunt, non motum. At si ejusmodi partibus inhæreant, quæ & sentire & moveri debent, cujus generis sunt musculi, tunc nervi utrumque tribuunt, sensum & motum. Hinc videmus nervos v. g. sextæ conjugationis, motum & sensum præbere, scil. pro varia partium, ad quas mittuntur, conditione. Orificio ventriculi tribuit hæc conjugatio sensum exquisitissimum, non autem motum, quia in illo motus organum desideratur, nempe musculus. Ejusdem tamen conjugationis portio ad laryngem recurrens, movendi & sentiendi virtutem subministrat laryngis musculis. Falsum ergò est, quòd alij nervi sint sensifici, scilicet qui molliores sunt: alij motorij, qui dariores.

*Spinalisne medulla ab Hippocr. lib. de car-  
nibus rectè medulla esse negetur?*



**R**Edissimè. Ipsus etiam, suæ negationis seqq. adfert rationes. 1. quia propriè dictæ medullæ similis non est. 2. quia membranas habet, geminam scilicet meningem, qua & cerebrum est tectum. At medulla ossium membranis caret. 3. quoniam minimum habet pinguedinis. At talis habent plurimum medullæ ossium. His rationibus hanc quoque addimus, quoniam medulla alimentum est partium, quibus inest: spinæ medulla nequaquam, sed pars est corporis, cauda cerebri, & quasi quoddam oblongum cerebrum, vicem cerebri gerens. Dicta autem fuit medulla ob similitudinem: quia instar medullæ ossibus inhæret, ipsis nimirum vertebriis: & quia instar grandiorum ossium medullæ albicat.

VI.

*An processus mammillares rectè nervis  
annumerentur?*

**P**rocessus isti organa olfactûs ab Anatomicis statuantur. Et sunt quodammodò nervis similes: quia albi sunt: à cerebro oriuntur: & olfactui inserviunt sicut alij nervi reliquis sensibus. Verùm cum extrà calvariam, ut nervi alij, non ferantur, nec productiones instar aliorum nervorum habeant, nervis ratione structuræ annumerari non possunt: possunt autem, si officium eorum spectetur. In hominibus valde sunt parvi, & tenues, in brutis autem, & præsertim in canibus, longè majores. Quo fit, ut etiam homo à canibus olfactûs *ἀνθρώπος* longè superetur, sicut etiam alijs quibusdam sensibus: juxta tritum illud distichon

*Nos aper auditu, lynx visu, simia gustu,  
Vultur odoratu, nos vincit aranea tactu.*

Scili-



Scilicet ratione perceptionis sensilium, non ratione  
dijudicationis.

VII.

*An cor omnium membrorum totius cor-  
poris sit calidissimum? sicut Au-  
thor libri de carnibus  
docuit?*

**V**Erè dixisse videtur. I. quia fons est caloris, pluri-  
mumque spiritus vitalis & sanguinis vitalis in se  
habet: estque dictorum corporum ἐργαστήριον: II. quia  
est in perpetuo systoles atque diastoles motu, qui  
& ipse calefacit. III. quia carnem habet, sui tamen  
generis, eamque solidam, & firmam, ne spiritus  
facile exhalent, & ut calor fortius inhæreat. IV. quo-  
niam calor in corde diutiùs perseverat, & quidem us-  
que ad ultimum vitæ terminum: cùm aliarum par-  
tium, maximè externarum, facile minuatur, imò pror-  
sus evanescat: quemadmodum accidere solet in leipo-  
thymia, syncope, metu, terrore, agone ipso. V. quia  
calidi cordis temperatura universum corpus reddit ca-  
lidum, nisi hepar obstiterit: teste *Galeno* in *μικροτέχν.*  
c. 26. frigidi verò contrarium efficit, hominesque ti-  
midos, segnes, minimèque iracundos & audaces facit:  
eodem ibidem cap. 30. authore.

VIII.

*Utrum Author libr. de carnibus rectè asse-  
veret, quòd Cor multum glutinosum  
ac frigidi in se habeat?*

**N**Isi diversarum illius partium ratio habeatur, vide-  
tur hæc sententia proximæ esse contraria. Sic igi-  
tur



tur responderi posset. *Propria cordis substantia præcalida est, minimèque glutinosa. Ejus autem vasa, vena scilicet arteriosa, & arteria venosa, ratione propriæ substantiæ, non ratione contentorum, quæ sunt spiritus & sanguis vitalis, frigida sunt: sicut & membrana, quæ rectum est cor: nec non & capsula cordis, sive pericardium, in quo etiam aqueus continetur humor. Glutinositas non ipsi parenchymati adscribenda est, sed pinguedini quæ circa basin cordis est copiosa satis, ut cor, quod est in perpetuo motu, humectetur, ne ante tempus exsiccetur. Glutinosa etiam sunt illius valvulae, quia membranosa: suntque tres venae arteriosae adnatæ: sigmoideae appellatae; duae arteriae venosae affixae, quæ junctae mitram referunt episcopalem: arteriae magnae itidem tres sigmoideae datae: venae denique cavæ orificio tres appositae, quæ à mutua inter se compositione tricuspides dictae. Filamenta habent plura, quæ aliis nominantur cordis ligamenta, alijs nervi *Aristotelis*: quoniam *libr. 3. de part. an. cap. 5.* scribit, esse in corde nervorum copiam.*

### IX.

*Uter cordis ventriculus nobilior, dexter an sinister?*

**R**atione situs videtur dexter esse nobilior, quoniam frigus in illum promptius penetrat: in istum ægrius se insinuare potest. Ut enim situs superior præstantior est inferiore, & anterior posteriore, ita dexter sinistro. Verùm sinister ventriculus cordis ratione contentorum & usus atque officij dignitate præcedit. Continet enim spiritum vitalem & sanguinem arteriosum, quæ ambo corpora & subtiliora, & puriora, & leviora sunt



sunt sanguine ventriculi dextri: mittunturque per arteriam magnam in universum corpus. Hùc accedit & ista ratio, quia dexter ventriculus ministrat sinistro, quatenus illi sanguinem communicat, qui magis elaborandus, & perficiendus. Habet & sinister ventriculus vasa duo, cum dexter unicum duntaxat obtineat, venam arteriosam, cujus rami per totum pulmonis parenchyma sunt dispersi & disseminati. Nam vena cava à dextro ventriculo non oritur. Ejus enim, *πίσις* non in corde, sed in hepate consistit.

X.

*An arteriæ à seipsis, an ab alio aliquo principio moveantur?*

**D**E hac quæstione variæ Authorum sunt sententiæ. *Praxagoras* volebat, arterias moveri & pulsare sua sponte, à virtute *σφυγμική*, quæ ipsis insita sit, non aliundè in illas influens. *Erasistratus* dicebat, moveri arterias ob cordis impulsus. *Aristotelis* opinio erat, arterias moveri ob sanguinis & spirituum contentorum fervorem. *Nos illorum* sequimur placitum, qui persuasum habent, motum arteriarum, qui pulsus est, & quidem motus duplex, diastole & systole, proficisci à cordis facultate pulsatili, quæ vitalis appellari solet. Ratio est, quoniam motus arteriarum motum cordis sequitur: ita ut quamdiu cor pulsat, pulsent & arteriæ; cessante autem cordis pulsu, cesset & arteriarum. Hùc accedit & ista ratio: quoniam arteriarum pulsus sequitur pulsum cordis in magnitudine, celeritate, crebritate, & æqualitate. Idem placitum confirmat *αυτοψία*: nam si arteria secetur transversim, tunc pars ejus, quæ cordi vicina, tantùm pulsat, quæ



verò à corde est sejuncta, pulsus privatur. Principiata enim suis attestantur principiis.

XI.

*Nunquid Pulmo ab interno, aut externo principio, h. e. à se ipso, vel à thorace moveatur?*

**A**ristotelis sententia est, pulmonem motus sui principium à corde accipere. Videatur *cap. ult. lib. d. respirat.* Averrhoes credidit, pulmonem moveri vi propria, non autem sequi motum thoracis. Galenus docet, pulmonem moveri ad motum thoracis: quæ opinio nobis videtur probabilior. Rationes sunt sequentes. I. Quia si propria insitaque vi pulmo moveretur, sequeretur ablato thorace, pulmonem nihilominus moveri. At eo ablato pulmo moveri non conspicitur. Docet hoc brutorum sectio. II. Quia si pulmo motu moveretur naturali, à principio innato, motus illius non esset situs in nostra potestate. Atqui situs in illa est: quoniam illum & cohibere, & promovere, & celeriores, & tardiores, & crebriorem rarioremque reddere possumus. III. Quia Galenus ait, nullam invenire nos posse dispositionem, in qua thorax quiescat, pulmo autem moveatur. Item in forti apoplexia respiratio non deficeret, si pulmo moveretur ab interno principio. Atqui deficit illa, & ob illius defectum tandem ægri moriuntur: quoniam affectum est principium nervorum, cerebrum, à quo animales spiritus in musculos thoracis influere nequeunt, teste Galeno *lib. 5. loc. aff. cap. 1.* In magnis præterea thoracis vulneribus cessat pulmonum motus, durante motu thoracis.

XII.



*Qualis sit motus respiratio, an merè naturalis, an merè voluntarius. an mixtus, scil. partim naturalis, partim verò voluntarius, animalis, & arbitrarius?*

**H**ic rursus diversæ se offerunt opiniones. Nos brevitate studio dicimus mixtum esse. Etenim quod animalis, five voluntarius sit, exinde liquet, quia prohibitu nostro respirationem excitare & sedare, crebriorem, & rariorem, velociorem & tardiolem, majorem minoremque illum facere possumus. Sequitur enim motus iste, quoniam thorax à musculis suis movetur. Musculi autem voluntarii motus sunt organa. *Quod idem motus etiam ex parte sit naturalis, ex eo constat, quia nemini licet respirationem pro voluntate sua prorsus cohibere. Rectè ergò cum Galeno l. 2. de motu musculor. c. 6. statuitur, respirationem motum esse mixtum: animale, quoniam fit beneficio musculorum thoracem moventium: ad cuius motum sequitur motus pulmonis. Naturalem, respectu finis, qui est caloris in corde conservatio. Cujus cum maxima sit necessitas ad vitæ continuationem, maxima quoque necessitas sit respirationis est necesse. Propterea Galenus loco allegato rectè scribit, voluntarios motus esse duplices: alios planè liberos, alios verò affectibus corporis servientes. Illos perpetuò absque impedimento à nobis fieri dicit: hos non semper, sed in quodam tempore & mensura.*



*An homo aliquandiu vivere possit  
sine respiratione?*

**V**ulgaria, trita & usitata sunt dicta, quamdiu vivimus, tam diu nos respirare: & vitam ac respirationem pari passu ambulare. Verum mulieres hystericæ, quæ ad summum hystericæ affectionis gradum pervenerunt, respiratione carere videntur. Jacent enim instar mortuarum, sine sensu, motu, principibus functionibus, pulsu & respiratione, & quædam tamen illarum reviviscunt. Respondetur, nullum hominum, qui sano est corpore, absque respiratione vivere posse: quoniam calor illius ventilari debet: aliàs suffocatur & interit. Atqui illa caloris ventilatio fit in inspiratione & attractione aëris frigidi. Debent etiam evacuari fuligines, quod fit in expiratione, & ita calor rursus ventilatur, licet duntaxat per accidens. Hystericas foeminas quod attinet, ipsa quidem ἀναπνοή in illis desideratur: manet tamen διαπνοή, perspiratio illa, qua calor & spiritus nostri ventilantur. Magno autem refrigerio opus non habent, quia calor illis est exiguus. Unde & affectus earum, qui strangulatus, sive suffocatio ab utero dicitur, refrigeratio totius corporis à Pragmaticis appellari consuevit.

## XIV.

*An amplitudo venarum signum calidi  
hepatis rectè dicatur, angustia  
frigidi?*

**I**Ta docet Galenus in μικρότερον cap. 37. Et probabiliter hoc dicit: quia sicut caloris est dilatare & amplificare,



ficare, ita frigoris est constringere & coarctare. *AUTO-*  
*ψία* prætereà ostendit, frigidioris temperaturæ qui  
sunt, quales sunt phlegmatici & melancholici, venas  
habere angustiores: contra calidioris naturæ homines,  
ut cholericos & sanguineos, venis præditos esse angu-  
stioribus. Fœminas denique, quæ viris sunt frigidi-  
ores etiam vasa & venas angustiores obtinere, mani-  
festum est. Sanguis denique à calido hepate genitus,  
fervidior est. Ideoque etiam venas, in quibus conti-  
netur, amplificat.

XV.

*An vesicula fellea ad se ex hepate  
bilem trahat.*

**J**N confesso est, vesiculam istam hepatis cavo esse  
annexam, & in se biliosum excrementum semper  
habere. Quæritur ergo, an sua sponte excrementum  
istud ad vesiculam abeat? an ab ea attrahatur? an ab  
hepate ad illam pellatur? an partim eò ὥσπερ, pulsu he-  
patis, partim ἐλξαι, tractu vesiculæ, concedat? Re-  
spondemus, bilem sponte sua ad vesiculam non abire.  
Nulla enim ratio dari potest, cur ad eam potius, quàm  
ad aliam partem se conferat. Nec à vesicula bilem at-  
trahi credimus, quia purum putum excrementum  
est, nutritioni minimè destinatum, cùm ipsa suas ha-  
beat venulas, sanguinem sibi offerentes pro alimonia.  
Arbitramur igitur, pelli eam ab hepate ad vesiculam.  
Propterea etiam illi alligata est, ut eò illi esset vicinior.

*De vesica idem statuimus*, quòd urinam ad se non  
trahat. Renes autem per venas & arterias emulgen-  
tes serum ex genere venoso & arterioso ad se pellici-  
unt, non quidem, merum ac sincerum, verùm san-



guini admistum, hunc, ut eo alantur: illud ut per carunculas transcoletur in fistulas ureterum, & ab his ad ipsos ureteres perveniat, indeque tanquam per canales & tubos ad vesicam ablegetur: in qua urina tamdiu manet, donec quantitate sua vesicæ sit gravis, & qualitate sua acri ac mordaci illam ad excretionem irriter: quod quando fit, vesica se contrahit, orificium ejus aperitur, ipsaque urina incidit in urithram, & effluit. Est etiam vesica longè à renibus distita, ut credibile non sit, tantam isti corpori membranoso, frigido, exangui ferè, & debili, inesse facultatem attractricem, ut quotidie, & quidem multoties, tantam urinæ copiam attrahere valeat, quantam illam emittere videmus.

#### XVI.

*Num hepar jure merito in principum partium albo reponatur?*

**M**Aximè: quoniam conditiones & requisita habet partis principalis. I. quia totum corpus per sanguinem à se confectum nutrit, fover, atque sustentat. II. quia famulos & ministros sibi habet adjunctos, quorum ministerio utitur in depuratione & mundificatione operis sui, nimirum sanguinis, quem ab excremento bilioso, melancholico, & aquoso repurgant. III. quia canales sanguinis à se ortos ablegat ad omnes totius corporis partes, ut inde habeant, quo alantur. IV. quia hepate benè se habente, benè etiam esse solet partibus reliquis: ægrotante autem, ipsæ quoque ægrotare solent: quia sanguis ad illas ab hepate mittitur vitiosus, Malè igitur nutricantur.

#### XVII.



*Sitne lienis aliquis usus & necessitas?*

**E***Rasistratus* lienem frustra conditum esse putavit, *Aristoteles* illum ex eventu solum necessarium esse duxit. *Plinius* arbitratus est, spiritum vitalem, & sanguinem subtilissimum, vitalis spiritus materiam, præparari, inde per lienis arterias ad sinistrum cordis ventriculum ferri, ibique perfici, & perfectum in arterias, tanquam aquæ ductus refundi. *Galenus* statuit, lienem ad fæculenti & melancholici sanguinis expurgationem esse fabrefactum. *Hippocrates* illi sedem & domicilium aquæ assignavit: quæ causa est, quòd lienosi ut plurimum sint sputatores, sudatores, & urinatores, qui crebrò urinam mittere solent. *Galen*i opinionem non prorsus repudiandam esse credimus. Limosos enim, fæculentos, & melancholicos succos lieni inhærere, multa docent. I. lividus lienis color. II. frequentes illius obstructions. III. crebri tumores scirrhusi. IV. icterus niger. V. melancholia hypochondriaca. VI. febris quartana VII. metus & tristitia, quæ animi pathemata lienosos plerumque vexant: reliqui affectus crassi, fæculenti, & melancholici humoris sunt progenies, & ut plurimum à liene proficiscuntur. Non inficiamur interim, quin idem lien cœnosas & aquosas chyli portiones ad se trahat, & quantum licet, concoquat: quod autem coquere non potest, ad loca alia amandet: v.g. ad ventriculum per vas breve, ad hæmorrhoidales venas, ad urinæ, ductus &c.



*Cur Hippocrates lib. de ofs. nat. affirmet  
quòd renes formam, sive figuram  
habeant cordis?*

**R**espondet ipse, similes esse cordi in eo, quoniam ventriculos obtinent: & quidem, ut Neoterici Anatomici docent, duos: exteriorem, in quem vasa feruntur, & ureteres egrediuntur: & interiorem, quem membrana succingit. Verum, maxima est inter cor & renes dissimilitudo, & ratione figuræ quæ cordi est pyramidalis, renibus autem, ut ita loquamur, phaseolaris: quoniam phaseolum repræsentant. Exteriùs enim gibbosi sunt & rotundi, interiùs cavi: & ratione officii, & ratione contentorum, & ratione sitûs, & ratione aliarum rerum,

## XIX.

*An urina in vesica retentio & excretio  
virtute fiat naturali, an  
animali?*

**C**onstat, serum per arterias & venas emulgentes deferri ex venis & arteriis ad renes: at non merum ac purum, sed sanguini permistum. Sanguinem renes pro sui nutritione retinent: serum autem ablegant ad carunculas illas minutissime perforatas, quæ papillis mammarum similes sunt, & colatoria vocantur. Eas ureterum fistulæ, quarum nunc plures, nunc pauciores sunt in renibus, amplexantur, serum excipiunt, & ad vesicam, tanquam ad lagenulam, aut matulam aliquam per ureteres deducunt, in qua tamdiù asser-

vatur,



vatur , donec illa ad excretionem sollicitetur. Jam quæritur, an retentio urinæ animalis, an naturalis sit? Respondemus , animale esse, quoniam fit beneficio musculi sphincteris, qui ostium vesicæ constringit & coarctat, ne nobis invitis, & intempestivè urina effluat. *Excretionem* verò quod attinet, dicimus, illam & naturalem, & animale dici posse. Naturalem ratione fibrarum vesicæ transversarum, quæ expulsionem etiam in aliis partibus sunt destinatae. Animalem, respectu musculorum abdominis, & præcipue illorum, qui à figura pyramidales nuncupantur. Hi enim ab externo pubis osse carnosum orti, capita rectorum abdominis musculorum conscendentes tendine suo in lienam albam desinunt. Dum enim versùs suum principium se contrahunt, breviores evadunt: breviores facti, crassiores fiunt, subjectasque partes, & consequenter etiam vesicam comprimunt: qua compressa ostium illius aperitur, & urina in urithram derivatur, indeque foras elabatur. Aliquando autem desunt, sed illorum vices agunt rectorum capita, qui & ipsi sese contrahendo vesicam premere solent. Est autem urinæ excretio magis animalis quàm naturalis.

## XX.

### *An uterus moveatur?*

**R**espondemus uterum moveri sursum, deorsum, & ad latera. Hos enim motus foemina interdum sentiunt. Illæ præsertim, quarum vincula, sive ligamenta uteri sunt laxiora. In illis enim, quoties uterus irritatur, sursum, deorsumve, aut in alterutrum latus se contorquet. Irritatur autem aut rei præternaturam, quam in se continet, aut externæ ejusque ad-

C

versæ



versa molestia. Tunc quippe laceffit, & quasi succensens de proprio loco decedit, alias in aliam partem oberrans, ut quod inimicum sibi est, fugiat, quod gratum & jucundum sequatur. Estque motus iste non voluntarius, quia per musculos non fit, sed naturalis, & facultatis expultricis, vel attractricis, pro ratione objecti: qualis etiam se in ventriculo offert. Rei namque alienae injuriâ laceffit magno impetu eam vomitione excutit. Fame vero exinanitus, jucundo cibo quasi gestiens occurrit, huncque ab ore vix dum præmansum eripit, ereptumque avidè adeò continet, & arctè amplexatur, ut undique contractus in illum totus incumbat.

## XXII.

### *An membrana sint tactus instrumenta?*

**A**ristoteles videtur organum tactus ignorasse. Modò enim dicit esse carnem: modò nervum: modò aliquid intus. Sed quid illud sit, non exprimit. Nos cum docta & erudita Medicorum schola credimus, membranas, quæ partes sunt viventes & spermaticæ, in id partibus à Natura datas, ut eas tegant, muniant, & partes à partibus distinguant, organa tactus esse. Ratio hæc est: quoniam ubi sensus tactus est, ibi & membrana existit: & vice versa, ubi membrana, qualis jam est descripta, se offert, ibi est & sensus tactus. Cerebrum etiam beneficio suarum meningum sentire dicitur: & nervi ejus similiter ob meningas sensu tactus prædidi judicantur. Cutis membrana quoque, sed crassa, & membrana sui generis esse perhibetur, quoniam membranæ requisita & conditiones habet.

Nam



Nam more membranarum tegit, investit, involvit, colligat, defendit, albicat, sentit exquisitè, & extensibilis est. Differt tamen ab alijs membranis non parùm in crassitie, temperamento, materia generationis, figura, poris, pilis. Et differt maximè à cuticula: quæ insensilis est, venis, nervis & arterijs non, ut cutis, prædita: & neque ex sanguine, neque ex semine genita. Non ex illo, quoniam non rubet, non calida est, humida, ut partes sanguineæ. Non ex hoc, quia deperdita infinities regeneratur: id quod manifestum est in scabiosis, leprosis, ulcerosis, vulneratis, lue Venerea infectis, variolis laborantibus, alijs.

## XXII.

*Quanam pars in musculo sit primaria causa actionis, quam musculus exercere dicitur?*

Constat ex *Galen*i doctrina, quòd in organica aliqua parte variæ quidem sint partes, una tamen sit, quæ primaria sit actionis causa. Cùm igitur in musculo partes reperiantur variæ, membrana musculum regens, & illum ab alijs musculis determinans, venæ, nervi, arteriæ, tendines & caro fibrosa, quæritur non immeritò, quæ illarum sit causa voluntarii motus, actionis musculi, primaria? Respondetur esse illam, cui similis alibi non reperitur. Talis autem caro fibrosa est. Rectè ergò concluditur, illam primariam motus voluntarij, qui actio est musculi, causam esse. Nam de membrana, nervis, venis, & arterijs nihil dicere attinet. Nemo enim adeò rerum anatomicarum ignarus est, qui partes istas dicere ausit, voluntarij motus esse organa: cùm specie similes et-



iam alibi conspiciantur, quæ tamen voluntariè non movent. At ubi caro est fibrosa, ibi esse potest motus *προαιρετικός*. Ubi illa desideratur, ibi etiam nullus talis potest excitari motus. Tendines caudæ sunt musculi: at primariæ motus voluntarij causæ dici nequeunt, quoniam musculi reperiuntur, qui tendinibus carent: ut sunt lumbricales digitorum manus, sphincteres vesicæ & intestini recti, linguæ, labiorum, quidam alij. *Hanc fibrosam musculorum carnem* principalem esse motus voluntarij causam, hoc etiam argumento probari potest, quoniam illa vel dissecta, vel ulcerata, vel tumefacta, motus impeditur. Et licet idem etiam dici posset de nervis, tamen illi duntaxat vectores sunt spiritus animalis, qui ad motum exercendum est necessarius. Tantum autem roboris nervi non habent, ut grandiora gravioraque membra, v. g. artus superiores & inferiores, movere valeant. *Huc accedit*, quòd motus fiat secundum fibrarum musculorum ductum, non secundum nervos, qui varijs modis in musculos inferuntur.

### XXIII.

*Præbeant ne ossa, ut Hippocrates lib. de oss. nat. docuit, corpori stabilimentum, rectitudinem, ἡ τὸ εὐθεῖαν, figuram?*

**O**Mnino. Stabilitatem, τὴν σταθμὴν illi conferunt, quia corpora sunt sicca, dura, solida ac firma, quasi fulcra & columnæ. Sunt quoque ob eandem causam velut propugnacula, quæ adversus impetus violentos corpori robur præstant. Rectitudinem, τὴν ὀρθότητα, corpori dant, quia animal rectum sine ossibus stare



stare non posset, sed repere vermium, aut serpentum more haberet necesse. Membra enim carnosa in se collaberentur, si stare erecta cogerentur. Denique etiam figuram, *eidē*, corpori exhibent ossa. Nam qualia sunt ossa in figura, talia sunt & membra, quibus ossa concessa. Hinc artus longi sunt, quia talia sunt eorum ossa. Caput rotundum est, propter ossa sua. Alia membra sunt lata, triangularia, quadrangularia, &c. quoniam ossa eorum simili sunt figura prædita.

XXIV.

*An Hippocratis probanda sententia, quando libr. de alim. scribit, medullam esse ossium nutrimentum?*

**V**Erè illum scripsisse affirmamus: quia si hoc medullæ denegetur, non apparebit, cui bono ossibus sit indita, cum sciamus, in omnibus ossibus vel medullam esse propriè dictam, quæ alba est, & in cavitatibus ossium manifestis ac evidentibus consistere, vel succum quendam, ut sic loquamur, medullosum, qui oleagineus, dulcis, & rubeus est, & in cavernulis & meatibus ossium delitescit.

XXV.

*An partes similes organa partesque organica dici possint?*

**U**Sitatum quidem est in scholis Medicorum, quod dissimiles solummodo partes organa & organica partes appellentur. Verum, si organum secundum *Galenum libr. 1, meth. med. cap. 6*, ea est animalis



pars , quæ perfectam edere potest actionem , causa nulla esse videtur, cur non etiam similes dici possint organicæ, cum omnes vivant, & actionem aliquam edant, si non publicam, saltem propriam atque privatam, cum æquè, ac dissimiles, animæ inserviant. Per illas enim anima efficax est: & propterea ab *Aristotele* actus primus corporis naturalis organici definitur: ubi omnes illius partes intelligit.

XXVI.

*Quid sentiendum de dicto Hippocratis, quòd libro de alim. extat: corporis raritas homines facit saniores: densitas autem morbosiores?*

**R**atio *Hippocratis* est ista, quoniam porositas & raritas corporis in causa est, ut vapores & fuligines liberè transpirare queant. Retentæ enim multorum malorum sunt genitrices. Contrarium facit densitas corporis habitus, quoniam perspirationem impedit: eoque magis, quò densitas est major: minus, quò est levior. *Addi potest & ista ratio*: quoniam per sudores sæpè multi noxij humores, morborum multorum, ac præcipuè febrium causæ, evacuantur. At quò habitus corporis est rarior & porosior, sive apertior, eò uberius sudor effluere potest: quo verò densior, strictior atque compactior, eò is minus exire solet. *Licet & tertiam* subjungere causam: quoniam ventilatio humorum, spirituum, & caloris melius fieri potest in corporis habitu raro, quàm in denso atque stricto.

Dicto *Hippocratis* addimus, poroso & raro corporis habitu præditos, citiùs, faciliùs & magis affici posse



posse à causis externis , præsertim à frigore , minùs habitum compactum : magis autem à causis internis, quoniam frigus in illum promptiùs penetrat : in istum ægriùs se insinuare potest.

---

Ornatissimo Domino Respondenti  
salut. plur.

**V**ersiculos à me petisti, dulcis Amice,  
Illos non potui jure negare tibi.  
Versiculus igitur tantùm tibi gratulor, atque  
Aeternum Dominum supplice mente rogo,  
Adspirare tuis lenem conatibus auram  
Dignetur, nec non prospera quæque dare,  
Quò cæptam telam possis absolvere, & oras  
Ad patrias quando veneris incolumis,  
Exhilarare Patrem, salvosque videre propinquos,  
Accipere & studiis præmia digna tuis.

Melchior Sebizius, D.

F I N I S.





